

D' Gsellschaft

© Copyright by Jeff Siegrist

Als Chind hät er e schlechti Gsellschaft gnosse
sin älteri Brüeder hät sich verschosse
de Vater hät im Suff d´Chind verschlage
und d´Mueter gno, ohni si z´frage

Im Bruef hät er kei Zuekunft gseh
i de Droge däfür viel meh
als Gsell schafft er nur hi und da
so wird er schnell zum "böse Ma"

Er wird zum Mörder und Chindlischänder
zum Attentäter und Verräter
mer muess d´Gsellschaft vor ihm schütze
der Allgemeinheit tuet er nüt meh nütze

Er fühlt sich verschtosse, ganz allei
hät kei Fründe und keis dehei
im Gfängnis git´s nur chalte Brei
wieso sind all nur so gemein?

Allgemein sind z´viil allei
ganz allgemein sind all gemein
und d´Gsellschaft schafft was de Gsell au schafft
viel Schmerz und Leid mit Liideschaft

de Tscheff